

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-556/14
Sarajevo, 23.6.2014. godine

Z A P I S N I K
23. VANREDNE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane 5.; 16. i 23. 6.2014.
godine

Sjednica je počela nakon završetka 21. vanredne sjednice Doma naroda u 14.45.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Izostanak sa sjednice opravdali su Ivan Brigić i Enes Salkanović.

Na osnovu evidencije Stručne službe, predsjedavajući je konstatovao da sjednici prisustvuje 40 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da je Vlada Federacije BiH dostavila sljedeće prijedloge zakona s prijedlogom da se razmatraju po hitnom postupku i to: Prijedlog Zakona o izmjenama Zakona o krivičnom postupku Federacije BiH, Prijedlog Zakona o dopuni Zakona o sudovima u Federaciji BiH, Prijedlog Zakona o suzbijanju korupcije i organiziranog kriminala u Federaciji BiH, Prijedlog Zakona o oduzimanju nezakonito stečene imovine krivičnim djelom i Prijedlog Zakona o prekršajima.

- Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 33 glasa za, uz sedam uzdržanih glasova i uz jedan glas protiv, prihvatio da se Prijedlog Zakona o izmjenama Zakona o krivičnom postupku Federacije BiH razmatra po hitnom postupku;
- na osnovu rezultata glasanja, predsjedavajući je konstatovao da je Dom naroda Parlamenta Federacije, sa 33 glasa za, uz sedam uzdržanih glasova i uz četiri glasa protiv, prihvatio da se Prijedlog Zakona o dopuni Zakona o sudovima u Federaciji BiH razmatra po hitnom postupku;
- na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasa za, uz 10 uzdržanih glasova i uz dva glasa protiv, prihvatio da se Prijedlog Zakona o suzbijanju korupcije i organiziranog kriminala u Federaciji BiH razmatra po hitnom postupku;

- na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasa za, uz 10 uzdržanih glasova i uz dva glasa protiv, prihvatio da se Prijedlog Zakona o oduzimanju nezakonito stečene imovine krivičnim djelom razmatra po hitnom postupku;
- na osnovu rezultata glasanja, predsjedavajući je konstatovao da je Dom naroda Parlamenta Federacije, sa 33 glasa za, uz osam uzdržanih glasova i uz tri glasa protiv, prihvatio da se Prijedlog Zakona o prekršajima razmatra po hitnom postupku.

Predsjedavajući je, također, podsjetio delegate da je Hafeza Sabljaković, zastupnica u Predstavničkom domu Parlamenta Federacije BiH, dostavila Prijedlog Zakona o izmjenama Zakona o visini stope zatezne kamate na javne prihode sa prijedlogom da se razmatra po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 34 glasa za, uz pet uzdržanih glasova i uz dva glasa protiv, prihvatio da se Prijedlog Zakona o izmjenama Zakona o visini stope zatezne kamate na javne prihode (predlagač: Hafeza Sabljaković, zastupnica u Predstavničkom domu) razmatra po hitnom postupku.

Kolegij Doma naroda je, također, predložio da se u dnevni red sjednice uvrsti Prijedlog Zakona o naftnim derivatima u Federaciji BiH po hitnom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 32 glasa za, uz sedam uzdržanih glasova i uz pet glasova protiv, prihvatio da se Prijedlog Zakona o naftnim derivatima u Federaciji BiH razmatra po hitnom postupku.

Vlada Federacije je dostavila prijedlog da se Prijedlog Zakona o izmjeni Krivičnog zakona Federacije BiH razmatra po skraćenom postupku.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 31 glasom za, uz deset uzdržanih glasova i uz dva glasa protiv, prihvatio da se Prijedlog Zakona o izmjeni Krivičnog zakona Federacije BiH razmatra po skraćenom postupku.

Također, Kolegij Doma naroda je predložio da se u dnevni red današnje sjednice uvrste kao tačke dnevnog reda:

- Izbor i imenovanja u okviru koje bi se razmatrale: Prijedlog Odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH i Prijedlog Odluke o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH,
- Prijedlog Odluke o prihvatanju zaduženja po Ugovoru broj 1 o Amandmanu na Ugovor o zajmu od 28. listopada 2008. godine između Bosne i Hercegovine i Evropske banke za obnovu i razvoj (EBRD) za Projekt Koridor Vc.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 36 glasova za, uz šest uzdržanih glasova i uz dva glasa protiv, prihvatio da se tačka - Izbor i imenovanja - uvrsti na dnevni red sjednice.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 35 glasova za, uz šest uzdržanih glasova i uz dva glasa protiv, prihvatio da se tačka - Prijedlog Odluke o prihvatanju zaduženja po Ugovoru broj 1 o Amandmanu na Ugovor o zajmu od 28. listopada 2008. godine između Bosne i Hercegovine i Evropske banke za obnovu i razvoj (EBRD) za Projekt Koridor Vc - uvrsti na dnevni red današnje sjednice.

Predsjedavajući Doma naroda podsjetio je delegate da je na jednoj od prošlih sjednica usvojen Prijedlog Zakona o konsolidaciji privrednih društava, ali da je prilikom izrade izvornika Zakona uočeno da postoji razlika u tekstu ovog zakona na hrvatskom jeziku u odnosu na bosanski jezik i srpski jezik.

Presjedavajući je pitao delegate da li ovaj zakon treba razmatrati na Zajedničkoj komisiji za usaglašavanje različito usvojenih tekstova zakona ili se o njemu trebaju izjasniti domovi Parlamenta Federacije BiH.

U vezi sa ovim prijedlogom otvorila se rasprava u kojoj su učestvovali: Ivo Tadić, Ivo Divković, Tomislav Martinović, Izmir Hadžiavdzić, sekretar Doma naroda, Erdal Trhulj, federalni ministar energije, rudarstva i industrije, Hajrudin Bećirović i Karolina Pavlović.

Nakon toga predsjedavajući je stavio na glasanje prijedlog da se na dnevi red današnje sjednice uvrsti tačka - Usaglašavanje teksta Zakona o finansijskom konsolidovanju privrednih društava u Federaciji BiH, te je konstatovao da je, sa 33 glasa za, uz sedam uzdržanih glasova i uz šest glasova protiv, prihvaćen ovaj prijedlog.

Predsjedavajući Doma naroda prešao je na utvrđivanje dnevnog reda, te je upitao da li neko ima prijedlog za izmjenu i dopunu dnevnog reda.

U vezi sa prijedlogom za izmjenu i dopunu dnevnog reda Amir Zukić, predsjednik Kluba delegata bošnjačkog naroda, predložio je da se Prijedlog Odluke o Zajedničkoj službi Parlamenta Federacije BiH, čiji je predlagatelj Zakonodavno-pravno komisija Predstavničkog doma, razmatra u formi nacrtu.

U vezi sa ovim prijedlogom otvorila se rasprava u kojoj su učestvovali: Amir Zukić, Ivo Tadić, Elvira Abdić-Jelenović, Izmir Hadžiavdzić i Aner Žuljević.

Predsjedavajući je stavio ovaj prijedlog na glasanje i konstatovao da prijedlog nije dobio potrebnu većinu glasova jer je za glasalo 12 delegata, 16 delegata je bilo uzdržano a 13 delegata je bilo protiv.

Nakon toga predsjedavajući je stavio na glasanje i konstatovao da je Dom naroda Parlamenta Federacije BiH, sa 33 glasa za, uz osam uzdržanih glasova i uz jedan glas protiv, usvojio sljedeći:

DNEVNI RED

1. Prijedlog Odluke o imenovanju Mirjane Čučković, sutkinje Ustavnog suda Federacije BiH u Vijeće za zaštitu vitalnog nacionalnog interesa u Ustavnom sudu Federacije BiH;
2. Prijedlog Zakona o izmjenama Zakona o krivičnom postupku Federacije BiH - hitni postupak;
3. Prijedlog Zakona o dopuni Zakona o sudovima u Federaciji BiH - hitni postupak;
4. Prijedlog Zakona o suzbijanju korupcije i organiziranog kriminala u Federaciji BiH - hitni postupak;
5. Prijedlog Zakona o oduzimanju nezakonito stečene imovine krivičnim djelom - hitni postupak;
6. Prijedlog Zakona o prekršajima - hitni postupak;
7. Prijedlog Zakona o izmjenama Zakona o visini stope zatezne kamate na javne prihode (predlagač: Hafeza Sabljaković, zastupnica u Predstavničkom domu) - hitni postupak;
8. Prijedlog Zakona o izmjeni Krivičnog zakona Federacije BiH – skraćeni postupak;
9. Prijedlog Zakona o naftnim derivatima u Federaciji BiH - hitni postupak;
10. Strateški plan razvoja i organiziranja Službe Parlamenta Federacije BiH za period 2014.-2016. godina (predlagač: Zakonodavno-pravna komisija Predstavničkog doma);
11. Prijedlog Odluke o Zajedničkoj službi Parlamenta Federacije BiH (predlagač: Zakonodavno-pravna komisija Predstavničkog doma);
- 12.- Prijedlog Odluke o prihvatanju zaduženja po Sporazumu o zajmu i Projektu između Kreditanstalt für Wiederaufbau (KfW), Bosne i Hercegovine, Federacije BiH i JP Elektroprivreda HZ "Herceg-Bosna" d.d. Mostar za realizaciju Projekta izgradnja crpne hidroelektrane Vrilo,
- Sporazum o finansiranju i Projektu između KfW, Frankfurt na Majni (KfW) i Bosne i Hercegovine, koju zastupa Ministarstvo finansija i trezora ("zajmoprimalac"), i Federacije BiH, koju predstavlja Ministarstvo finansija Federacije BiH, i JP Elektroprivreda HZ "Herceg-Bosna" dioničko društvo Mostar (EPHZHB) (Agencija za izvršenje projekta) -Crpno-akumulacijska (reverzibilna) hidroelektrana Vrilo (BMZ-br. 2009 65 657 i 2010 65 697);
- 13.- Prijedlog Odluke o prihvatanju zaduženja po Sporazumu o zajmu i Projektu između Kreditanstalt für Wiederaufbau (KfW), Bosne i Hercegovine, Federacije BiH i JP Elektroprivreda BiH d.d. Sarajevo za realizaciju Projekta izgradnja hidroelektrane Janjići

Sporazum o zajmu i Projektu između KfW, Frankfurt na Majni (KfW) i Bosne i Hercegovine, koju zastupa Ministarstvo finansija i trezora ("zajmoprimalac"), i Federacije BiH, koju predstavlja Ministarstvo finansija Federacije BiH, i JP Elektroprivreda Bosne i Hercegovine d.d. Sarajevo (Agencija za izvršenje projekta) hidroelektrana Janjići (BMZ-br. 2011 65 339 i 2010 65 697),

- Informacija o zaduženju po Sporazumu o zajmu i projektu između Kreditanstalt für Wiederaufbau (KfW), Bosne i Hercegovine, Federacije BiH i JP Bosne i Hercegovine d.d. Sarajevo za Projekt izgradnje hidroelektrane Janjići;

14.- Prijedlog Odluke o prihvatanju zaduženja po Ugovoru broj 1 o Amandmanu na Ugovor o zajmu od 28. listopada 2008. godine između Bosne i Hercegovine i Evropske banke za obnovu i razvoj (EBRD) za Projekt Koridor Vc,

- Ugovor o Amandmanu broj 1 na Ugovor o zajmu od 28. listopada 2008. godine između Bosne i Hercegovine i Evropske banke za obnovu i razvoj,

- Ugovor o Amandmanu broj 1 na Ugovor o podršci zajmu od 28. listopada 2008. godine između Federacije BiH i Evropske banke za obnovu i razvoj,

- Ugovor o Amandmanu broj 1 na Supsidijarni ugovor o zajmu od 28. listopada 2008. godine između Bosne i Hercegovine i Federacije BiH,

- Ugovor o Amandmanu broj 1 na Ugovor o podzajmu od 22. prosinca 2011. godine za Projekt Koridor Vc između Federacije BiH, koju predstavlja Federalno ministarstvo finansija, i JP Autoceste Federacije BiH d.o.o. Mostar,

- Informacija o prihvatanju zaduženja po Ugovoru broj 1 o Amandmanu na Ugovor o zajmu od 28. listopada 2008. godine između Bosne i Hercegovine i Evropske banke za obnovu i razvoj za realiziranje Projekta Koridor Vc – dodatno finansiranje,

- Izvještaj o dinamici Projekta izgradnje Koridora Vc (završno sa 31. prosincom 2013. godine),

- Izvještaj o dinamici Projekta izgradnje Koridora Vc (završno sa 31. ožujkom 2014. godine),

- Informacija o kreditu EBRD br. 38716 i povećanju kreditnog okvira za 25 miliona eura,

- Izvještaj o utrošku sredstava od 1. siječnja 2011. do 1. siječnja 2014. godine,

- Prezentacija: Projekt izgradnje Koridora Vc;

15. Usaglašavanje teksta Zakona o finansijskom konsolidovanju privrednih društava u Federaciji BiH;

16. Izbor i imenovanja:

- a) Prijedlog Odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH,
- b) Prijedlog Odluke o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH.

1. Prijedlog Odluke o imenovanju Mirjane Čučković, sutkinje Ustavnog suda Federacije BiH u Vijeće za zaštitu vitalnog nacionalnog interesa u Ustavnom sudu Federacije BiH

Predsjedavajući je upoznao delegate da se Vijeće za zaštitu vitalnog nacionalnog interesa u Ustavnom sudu Federacije BiH sastoji od sedam članova - po dva iz svakog konstitutivnog naroda i jedan član iz reda ostalih.

Predstavnički dom je na 29. sjednici od 29. travnja 2014. godine donio Odluku o izboru člana u Vijeće za zaštitu vitalnog nacionalnog interesa u Ustavnom sudu Federacije BiH kojom je za člana Vijeća izabrana Mirjana Čučković, sutkinja Ustavnog suda Federacije BiH.

Odluku su razmatrala nadležna radna tijela i dostavila izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 41 glasom za, uz jedan uzdržani glas i uz dva glasa protiv, donio Odluku o izboru člana u Vijeće za zaštitu vitalnog nacionalnog interesa u Ustavnom sudu Federacije BiH kojom je za člana Vijeća izabrana **Mirjana Čučković**, sutkinja Ustavnog suda Federacije BiH.

2. Prijedlog Zakona o izmjenama Zakona o krivičnom postupku Federacije BiH - hitni postupak

Prijedlog Zakona utvrdila je Vlada Federacije.

Predstavnički dom je na nastavku 29. sjednice od 06. svibnja 2014. godine usvojio Prijedlog Zakona, uz ispravku pravno-tehničke prirode koju je dao federalni ministar pravde a koja glasi: "U članu 1. riječi: "krivični progon" zamjenjuju se riječima: "krivično gonjenje"."

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 35 glasova za, uz šest uzdržanih glasova i uz pet glasova protiv, usvojio Prijedlog Zakona o izmjenama Zakona o krivičnom postupku Federacije BiH.

3. Prijedlog Zakona o dopuni Zakona o sudovima u Federaciji BiH - hitni postupak

Prijedlog Zakona utvrdila je Vlada Federacije.

Predstavnički dom je na nastavku 29. sjednice od 06. svibnja 2014. godine usvojio Prijedlog Zakona u tekstu kako ga je predložila Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije, sa 30 glasova za, uz tri uzdržana glasa i uz tri glasa protiv, usvojio Prijedlog Zakona o dopuni Zakona o sudovima u Federaciji BiH.

4. Prijedlog Zakona o suzbijanju korupcije i organiziranog kriminala u Federaciji BiH - hitni postupak

Prijedlog Zakona utvrdila je Vlada Federacije.

Predstavnički dom Parlamenta Federacije je na nastavku 29. sjednice od 06. svibnja 2014. godine usvojio Prijedlog Zakona o suzbijanju korupcije i organiziranog kriminala u Federaciji BiH u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o suzbijanju korupcije i organiziranog kriminala u Federaciji BiH obrazložio je Zoran Mikulić, federalni ministar pravde.

Amandman na Prijedlog Zakona o suzbijanju korupcije i organiziranog kriminala u Federaciji BiH podnijela je Elvira Abdić-Jelenović. Amandman se odnosi na član 35. Prijedloga Zakona.

U raspravi su učestvovali: Elvira Abdić-Jelenović, Zoran Mikulić, Zoran Jovanović, Mira Ljubijankić, Ivo Tadić, Aner Žuljević, Sretko Radišić, Zijat Mušić i Ivo Divković.

Na osnovu rezultata glasanja, predsjedavajući je konstatovao da amandman Elvire Abdić-Jelenović na Prijedlog Zakona o suzbijanju korupcije i organiziranog kriminala u Federaciji BiH nije dobio potrebnu većinu glasova jer je za glasao 21 delegat, 21 delegat je bio protiv a sedam delegata je bilo uzdržano.

Potom se prešlo na izjašnjavanje o Prijedlogu Zakona, te je predsjedavajući Doma naroda, na osnovu rezultata glasanja, konstatovao da je Dom naroda Parlamenta Federacije BiH većinom glasova (41 glas za, pet glasova protiv i tri uzdržana glasa) usvojio Prijedlog Zakona o suzbijanju korupcije i organiziranog kriminala u Federaciji BiH.

5. Prijedlog Zakona o oduzimanju nezakonito stečene imovine krivičnim djelom - hitni postupak

Prijedlog Zakona utvrdila je Vlada Federacije.

Predstavnički dom Parlamenta Federacije je na nastavku 29. sjednice od 06. svibnja 2014. godine usvojio Prijedlog Zakona o oduzimanju nezakonito stečene imovine krivičnim djelom sa 13 amandmana Vlade Federacije i dva amandmana koje je Vlada Federacije prihvatila na sjednici Predstavničkog doma pa su postali sastavni dio Prijedloga Zakona. Predstavnički dom je, također, usvojio dva amandmana koje Vlada Federacije nije prihvatila.

Amandmani koje je Vlada Federacije prihvatila na sjednici Predstavničkog doma:

Amandman I.

U članu 32. u stavku 4. iza riječi: "poklonjena" dodaju se riječi: "instituciji koja se primarno finansira iz Budžeta Federacije BiH ili u humanitarne svrhe,".

Amandman II.

Član 35. mijenja se i glasi:

"Privremeno ili trajno oduzeti predmeti od kulturne, historijske, umjetničke i naučne vrijednosti mogu se ustupiti na čuvanje ili korištenje specijaliziranim ustanovama koje se primarno finansiraju iz državnog, federalnog ili kantonalnog budžeta o čemu odluku donosi Vlada Federacije BiH."

Amandmani koje je Predstavnički dom izglasao:

Amandman I.

U članu 7. stav 1. mijenja se i glasi:

"Prijedlog tužitelja za pokretanje posebnog postupka iz član 5. stav 3. ovog zakona ne podliježe zastari."

Amandman II.

Član 29. mijenja se i glasi:

"Direktor je dužan svakih šest mjeseci podnijeti izvještaj o radu i finansijsko-materijalnom poslovanju Agencije Vladi Federacije BiH, koja ga dostavlja Parlamentu Federacije BiH na usvajanje. Ukoliko izvještaj ne bude usvojen Vlada Federacije BiH pokreće postupak za razrješenje direktora Agencije."

Prijedlog Zakona razmatrala su nadležna radna tijela i dostavila izvještaje.

Prijedlog Zakona o oduzimanju nezakonito stečene imovine krivičnim djelom u Federaciji BiH obrazložio je Zoran Mikulić, federalni ministar pravde.

Amandman na Prijedlog Zakona o oduzimanju nezakonito stečene imovine krivičnim djelom u Federaciji BiH podnijela je Elvira Abdić-Jelenović. Amandman se odnosi na član 41. Prijedloga Zakona.

U raspravi su učestvovali Elvira Abdić-Jelenović i Zoran Jovanović.

Potom se prešlo na izjašnjavanje o amandmanima usvojenim u Predstavničkom domu.

Na osnovu rezultata glasanja, predsjedavajući Doma naroda konstatovao je da je Dom naroda Parlamenta Federacije BiH, većinom glasova (35 glasova za i šest uzdržanih glasova), usvojio Amandman I.

Na osnovu rezultata glasanja, predsjedavajući Doma naroda konstatovao je da je Dom naroda Parlamenta Federacije BiH, većinom glasova (34 glasa za, jedan glas protiv i šest uzdržanih glasova), usvojio Amandman II.

Zatim se prešlo na izjašnjavanje o Prijedlogu Zakona.

Na osnovu rezultata glasanja, predsjedavajući Doma naroda konstatovao je da je Dom naroda Parlamenta Federacije BiH, većinom glasova (37 glasova za, dva glasa protiv i pet uzdržanih glasova), usvojio Prijedlog Zakona o oduzimanju nezakonito stečene imovine krivičnim djelom u Federaciji BiH.

6. Prijedlog Zakona o prekršajima - hitni postupak

Prijedlog Zakona utvrdila je Vlada Federacije.

Predstavnički dom Parlamenta Federacije je na nastavku 29. sjednice od 6. svibnja 2014. godine usvojio Prijedlog Zakona o prekršajima u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o prekršajima obrazložio je Zoran Mikulić, federalni ministar pravde, i dao ispravku tehničke greške na način da se u članu 23. u stavu 2. riječi: "stava 1. ovog člana" zamjenjuju riječima: "člana 57. ovog zakona".

U raspravi nije niko učestvovao.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije BiH, većinom glasova (35 glasova za, tri glasa protiv i pet uzdržanih glasova), usvojio Prijedlog Zakona o prekršajima s tehničkom ispravkom.

7. Prijedlog Zakona o izmjenama Zakona o visini stope zatezne kamate na javne prihode (predlagač: Hafeza Sabljaković, zastupnica u Predstavničkom domu) - hitni postupak

Predstavnički dom Parlamenta Federacije je na 27. sjednici od 13. ožujka 2014. godine usvojio Prijedlog Zakona o izmjenama Zakona o visini stope zatezne kamate na javne prihode sa jednim amandmanom Vlade Federacije koji je predlagačica prihvatila, pa je postao sastavni dio Prijedloga Zakona. Amandman se odnosi na član 1. Prijedloga Zakona.

Amandman glasi:

“Pod obračunatom kamatom iz st. 1. i 2. ovog člana podrazumijeva se kamata obračunata na nepravovremeno plaćene prihode do dana njihove uplate.”

Na Prijedlog Zakona dva amandmana podnio je Amel Hadžiabdić. Amandmani se odnose na član 1. st. 1. i 2. Prijedloga Zakona.

Amandmani glase:

Amandman I.

U članu 1. u stavu 1. brojevi: “30.6.2014.” zamjenjuju se brojevima: “31.12.2014.” a ostali dio teksta ostaje isti.

Amandman II.

U članu 1. u stavu 2. riječi: “od 30.6.2014. do 31.12.2014.” zamjenjuju se riječima: “od 31.12.2014. do 30.6.2015.” a ostali dio teksta ostaje isti.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o izmjenama Zakona o visini stope zatezne kamate na javne prihode obrazložila je Hafeza Sabljaković, zastupnica u Predstavničkom domu.

Stav Vlade Federacije obrazložio je Ante Krajina, federalni ministar finansija.

U raspravi su učestvovali Zoran Jovanović, Amel Hadžiabdić i Hafeza Sabljaković, koja je prihvatila amandmane Amela Hadžiabdića.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije BiH, većinom glasova (43 glasa za i jedan uzdržani glas), usvojio Prijedlog Zakona o izmjenama Zakona o visini stope zatezne kamate na javne prihode.

Prema tome, Prijedlog Zakona o izmjenama Zakona o visini stope zatezne kamate na javne prihode usvojen je u različitom tekstu u oba doma Parlamenta Federacije BiH, pa ga je **potrebno usaglasiti**.

8. Prijedlog Zakona o izmjeni Krivičnog zakona Federacije BiH – skraćeni postupak

Prijedlog Zakona utvrdila je Vlada Federacije.

Predstavnički dom Parlamenta Federacije je na nastavku 29. sjednice od 6. svibnja 2014. godine usvojio Prijedlog Zakona o izmjeni Krivičnog zakona Federacije BiH u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o izmjeni Krivičnog zakona Federacije BiH obrazložio je Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije BiH, većinom

glasova (35 glasova za, tri glasa protiv i šest uzdržanih glasova), usvojio Prijedlog Zakona o izmjeni Krivičnog zakona Federacije BiH.

9. Prijedlog Zakona o naftnim derivatima u Federaciji BiH - hitni postupak

Prijedlog Zakona utvrdila je Vlada Federacije.

Predstavnički dom Parlamenta Federacije je na nastavku 29. sjednice od 6. ožujka 2014. godine usvojio Prijedlog Zakona o naftnim derivatima u Federaciji BiH sa jednim amandmanom Vlade Federacije i dva amandmana koje je Vlada Federacije prihvatila na sjednici Predstavničkog doma pa su postali sastavni dio Prijedloga Zakona.

Amandmani glase:

Amandman Vlade Federacije:

U članu 40. u stavu (5) iza riječi: "vlasništvu" dodaju se riječi: "ili posjedu".

Amandmani koje je Vlada Federacije prihvatila na sjednici Predstavničkog doma:

Amandman I.

U članu 11. stav (2) se briše.

Amandman II.

U članu 30. u stavu (7) broj 10 zamjenjuje se brojem 20.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o naftnim derivatima u Federaciji BiH obrazložio je Erdal Trhulj, federalni ministar energije, rudarstva i industrije.

U raspravi nije niko učestvovao.

Na osnovu rezultata glasanja, predsjedavajući Doma naroda konstatovao je da je Dom naroda Parlamenta Federacije BiH, većinom glasova (37 glasova za, tri glasa protiv i pet uzdržanih glasova), usvojio Prijedlog Zakona o naftnim derivatima u Federaciji BiH.

Sjednica je prekinuta u 17.04.

NASTAVAK SJEDNICE OD 16. LIPNJA 2014. GODINE

Sjednica je počela u 11.40.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio delegate, predstavnike Vlade Federacije i predstavnike akreditiranih medijskih kuća koji prate rad sjednice.

Izostanak sa sjednice opravdao je Adnan Jupić.

Na osnovu evidencije Stručne službe, predsjedavajući je konstatovao da sjednici prisustvuju 43 delegata, što čini većinu, te Dom naroda može raditi i punovažno odlučivati.

Predsjedavajući je podsjetio delegate da je Kolegij Doma naroda donio Zaključak da se tač. 10. i 11. dnevnog reda razmatraju na kraju sjednice čime bi se omogućilo Zakonodavno-pravnoj komisiji da do nastavka ove sjednice, koji je planiran za 18. lipanj 2014. godine, zauzme stav u vezi sa ovim tačkama.

Jasenko Tufekčić obavijestio je Dom naroda da je Zakonodavno-pravna komisija razmatrala ove tačke i zauzela stav.

Predsjedavajući Doma naroda izjavio je da se treba ispoštovati Zaključak Kolegija.

Nakon toga, predsjedavajući je podsjetio delegate na preostale tačke dnevnog reda i prešao na rad.

12.- Prijedlog Odluke o prihvatanju zaduženja po Sporazumu o zajmu i Projektu između Kreditanstalt für Wiederaufbau (KfW), Bosne i Hercegovine, Federacije BiH i JP Elektroprivreda HZ "Herceg-Bosna" d.d. Mostar za realizaciju Projekta izgradnja crpne hidroelektrane Vrilo - Sporazum o finansiranju i Projektu između KfW, Frankfurt na Majni (KfW) i Bosne i Hercegovine, koju zastupa Ministarstvo finansija i trezora ("zajmoprimalac"), i Federacije BiH, koju predstavlja Ministarstvo finansija Federacije BiH, i JP Elektroprivreda HZ "Herceg-Bosna" dioničko društvo Mostar (EPHZHB) (Agencija za izvršenje projekta) - Crpno-akumulacijska (reverzibilna) hidroelektrana Vrilo (BMZ-br. 2009 65 657 i 2010 65 697)

Odluku je utvrdila Vlada Federacije i dostavila Parlamentu Federacije radi donošenja.

Predstavnički dom je na nastavku 29. sjednice od 6. svibnja 2014. godine donio ovu odluku.

Odluku su razmatrala nadležna radna tijela i dostavila izvještaje.

Odluku je obrazložio Ante Krajina, federalni ministar finansija.

U raspravi su učestvovali: Salko Selman, predsjednik Odbora za ekonomsku i razvojnu politiku, finansije i budžet Doma naroda, Luka Faletar i Ante Krajina, federalni ministar finansija.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 37 glasova za, uz jedan glas protiv i uz dva uzdržana glasa, donio Odluku o prihvatanju zaduženja po Sporazumu o zajmu i Projektu između Kreditanstalt für Wiederaufbau (KfW), Bosne i Hercegovine, Federacije BiH i JP

Elektroprivreda HZ "Herceg-Bosna" d.d. Mostar za realizaciju Projekta izgradnja crpne hidroelektrane Vrilo.

13.- Prijedlog Odluke o prihvatanju zaduženja po Sporazumu o zajmu i Projektu između Kreditanstalt für Wiederaufbau (KfW), Bosne i Hercegovine, Federacije BiH i JP Elektroprivreda BiH d.d. Sarajevo za realizaciju Projekta izgradnja hidroelektrane Janjići i Sporazum o zajmu i Projektu između KfW, Frankfurt na Majni (KfW) i Bosne i Hercegovine, koju zastupa Ministarstvo finansija i trezora ("zajmoprimalac"), i Federacije BiH, koju predstavlja Ministarstvo finansija Federacije BiH, i JP Elektroprivreda Bosne i Hercegovine d.d. Sarajevo (EPBIH) (Agencija za izvršenje projekta) hidroelektrana Janjići (BMZ-br. 2011 65 339 i 2010 65 697)

- Informacija o zaduženju po Sporazumu o zajmu i projektu između Kreditanstalt für Wiederaufbau (KfW), Bosne i Hercegovine, Federacije BiH i JP Elektroprivreda Bosne i Hercegovine d.d. Sarajevo za Projekt izgradnje hidroelektrane Janjići

Odluku je utvrdila Vlada Federacije i dostavila Parlamentu Federacije radi donošenja.

Predstavnički dom je na nastavku 29. sjednice od 6. svibnja 2014. godine donio Odluku.

Odluku su razmatrala nadležna radna tijela i dostavila izvještaje.

Odluku je obrazložio Ante Krajina, federalni ministar finansija.

U raspravi su učestvovali: Salko Selman, predsjednik Odbora za ekonomsku i razvojnu politiku, finansije i budžet Doma naroda, Sretko Radišić i Ante Krajina, federalni ministar finansija.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 38 glasova za, uz jedan glas protiv i uz dva uzdržana glasa, donio Odluku o prihvatanju zaduženja po Sporazumu o zajmu i Projektu između Kreditanstalt für Wiederaufbau (KfW), Bosne i Hercegovine, Federacije BiH i JP Elektroprivreda BiH d.d. Sarajevo za realizaciju Projekta izgradnje hidroelektrane Janjići.

14.- Prijedlog Odluke o prihvatanju zaduženja po Ugovoru broj 1 o Amandmanu na Ugovor o zajmu od 28. listopada 2008. godine između Bosne i Hercegovine i Evropske banke za obnovu i razvoj (EBRD) za Projekt Koridor Vc - Ugovor o Amandmanu broj 1 na Ugovor o zajmu od 28. listopada 2008. godine između Bosne i Hercegovine i Evropske banke za obnovu i razvoj

- Ugovor o Amandmanu broj 1 na Ugovor o podršci zajmu od 28. listopada 2008. godine između Federacije BiH i Evropske banke za obnovu i razvoj
- Ugovor o Amandmanu broj 1 na Supsidijarni ugovor o zajmu od 28. listopada 2008. godine između Bosne i Hercegovine i Federacije BiH
- Ugovor o Amandmanu broj 1 na Ugovor o podzajmu od 22. prosinca 2011. godine za Projekt Koridor Vc između Federacije BiH, koju predstavlja Federalno ministarstvo finansija, i JP Autoceste Federacije BiH d.o.o. Mostar
- Informacija o prihvatanju zaduženja po Ugovoru broj 1 o Amandmanu na Ugovor o zajmu od 28. listopada 2008. godine između Bosne i Hercegovine i Evropske banke za obnovu i razvoj za realiziranje Projekta Koridor Vc – dodatno finansiranje
- Izvještaj o dinamici Projekta izgradnje Koridora Vc (završno sa 31. prosincom 2013. godine)
- Izvještaj o dinamici Projekta izgradnje Koridora Vc (završno sa 31. ožujkom 2014. godine)
- Informacija o kreditu EBRD br. 38716 i povećanju kreditnog okvira za 25 miliona eura
- Izvještaj o utrošku sredstava od 1. siječnja 2011. do 1. siječnja 2014. godine

Odluku je utvrdila Vlada Federacije i dostavila Parlamentu Federacije radi donošenja.

Naknadno, Vlada Federacije je dostavila obrazloženje o utrošku sredstava za izgradnju autoceste od 2011. do 2014. godine.

Predstavnički dom je na nastavku 29. sjednice od 3. lipnja 2014. godine donio ovu odluku.

Odluku su razmatrala nadležna radna tijela i dostavila izvještaje.

Odluku je obrazložio Ante Krajina, federalni ministar finansija.

U raspravi je učestvovao Mustafa Kurtović.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 36 glasova za, uz dva glasa protiv i uz osam uzdržanih glasova, donio Odluku o prihvatanju zaduženja po Ugovoru broj 1 o Amandmanu na Ugovor o zajmu od 28. listopada 2008. godine između Bosne i Hercegovine i Evropske banke za obnovu i razvoj (EBRD) za Projekt Koridor Vc.

15. Usaglašavanje teksta Zakona o finansijskom konsolidovanju privrednih društava u Federaciji BiH

Predsjedavajući Doma naroda podsjetio je delegate da je prilikom izrade izvornika ovog zakona utvrđeno da postoje razlike u čl. 3., 6., 7. i 8. Zakona u hrvatskom jeziku u odnosu na bosanski jezik i srpski jezik.

Predstavnički dom je na 30. sjednici od 4. lipnja 2014. godine usvojio tekst čl. 3., 6., 7. i 8. Zakona o finansijskoj konsolidaciji privrednih društava u Federaciji BiH onako kako su utvrđeni u tekstu Zakona na bosanskom jeziku.

Federalni ministar energije, rudarstva i industrije Erdal Trhulj je govorio u vezi sa ovim razlikama.

U raspravi nije niko učestvovao.

Na osnovu rezultata glasanja, predsjedavajući Doma naroda konstatovao je da je Dom naroda Parlamenta Federacije, sa 38 glasova za, uz jedan glas protiv i uz šest uzdržanih glasova, usvojio tekst čl. 3., 6., 7. i 8. Zakona o finansijskoj konsolidaciji privrednih društava u Federaciji BiH onako kako su utvrđeni u tekstu Zakona na bosanskom jeziku:

“Član 3.

Finansijsko konsolidovanje dugovanja društva s većinskim učešćem državnog kapitala na osnovu doprinosa za zdravstveno osiguranje, doprinosa za osiguranje od nezaposlenosti i poreza, isključujući porez na dodatnu vrijednost, izvršit će se na način i prema prioritetima kako sljedi:

- izmirenjem duga privrednog društva **ranije izdatim** obveznicama na osnovu ratnih potraživanja izdatih na ime privrednog društva koje se konsoliduje, a čiji je emitent Federacija BiH **pri čemu vrijednost obveznica podrazumijeva vrijednost utvrđenu rješenjem o verifikaciji ratnih potraživanja,**
- izmirenjem duga na teret kapitala privrednog društva koje se konsoliduje.

Ukoliko se finansijsko konsolidovanje dugovanja društva s većinskim učešćem državnog kapitala iz stava 1. ovog člana vrši izmirenjem duga na teret Federacije BiH, obavezno se u strukturi kapitala društva vrši odgovarajuće povećanje učešća državnog kapitala, izuzev u slučaju kada se finansijsko konsolidovanje vrši uz proporcionalno učešće ostalih vlasnika kapitala društva.

Član 6.

Postupak finansijskog konsolidovanja društva s većinskim učešćem državnog kapitala pokreće se podnošenjem zahtjeva odgovorne osobe u privrednom društvu s većinskim učešćem državnog kapitala koje se konsoliduje.

Zahtjev iz stava 1. ovog člana odgovorna osoba u privrednom društvu s većinskim učešćem državnog kapitala koje se konsoliduje **podnosi** nadležnom tijelu vlasti koje u tom privrednom društvu vrši ovlasti na osnovu učešća državnog kapitala, najkasnije pet mjeseci od dana stupanja na snagu ovog zakona.

Član 7.

Zahtjev za finansijsko konsolidovanje odgovorna osoba u privrednom društvu s većinskim učešćem državnog kapitala **podnosi** u roku pet mjeseci od dana stupanja na snagu ovog zakona.

Zahtjev iz stava 1. ovog člana treba sadržavati:

- elaborat opravdanosti finansijskog konsolidovanja i srednjoročni plan razvoja,
- finansijsko stanje privrednog društva prema posljednjem usvojenom godišnjem izvještaju o poslovanju društva,
- iznos i strukturu dugovanja društva na osnovu doprinosa, usaglašen s podacima iz evidencije Porezne uprave Federacije BiH,
- iznos i strukturu potraživanja društva,
- revidirani godišnji izvještaj o poslovanju društva,
- iznos i strukturu ukupnog duga društva,
- iznos potraživanja društva na osnovu obveznica čiji je emitent Federacija BiH,
- popis i procjenu imovine koja se ne koristi za osnovnu proizvodnu djelatnost društva i imovine koja se koristila za osnovnu proizvodnu djelatnost društva, ali koja nije bila u funkciji najmanje 36 mjeseci ili je njeno korištenje, zbog tehničko-tehnološke zastarjelosti, nerentabilno za proizvodnu djelatnost privrednog društva i odluku nadležnog tijela društva kojom su utvrđeni popis i procjena ove imovine,
- prethodne saglasnosti iz člana 4. stav 3. i člana 5. stav 1. alineja 3. ovog zakona,
- informaciju o svim postupcima konsolidovanja dugovanja društva koji su u toku, a provode u skladu s drugim propisima,
- ukoliko se traži finansijsko konsolidovanje dugovanja na osnovu doprinosa za zdravstveno osiguranje, iznos novčanih sredstava koja je privredno društvo platilo na ime izmirenja troškova liječenja svojih zaposlenika, u periodu kad su nastala dugovanja na osnovu doprinosa za zdravstveno osiguranje, potvrđen od nadležne zdravstvene ustanove.

Nadležno tijelo vlasti može pribavljati i sve ostale podatke neophodne za postupak finansijskog konsolidovanja najduže u roku 30 dana od dana dostavljanja zahtjeva iz stava 2. ovog člana.

Član 8.

Odluku o finansijskom konsolidovanju društva s većinskim učešćem državnog kapitala (u daljnjem tekstu: odluka) donosi Vlada Federacije BiH, vlada kantona, gradsko ili općinsko vijeće u roku 30 dana od dana dostavljanja zahtjeva iz člana 7. ovog zakon.

Za donošenje odluke iz stava 1. ovog člana u svakom pojedinom slučaju nadležan je nivo vlasti koji u privrednom društvu koje se konsoliduje vrši ovlasti na osnovu učešća državnog kapitala (u daljnjem tekstu: nadležno tijelo vlasti).

Odlukom iz stava 1. ovog člana bliže se uređuje postupak i vrijeme trajanja finansijskog konsolidovanja za svako pojedino društvo s većinskim učešćem državnog kapitala, s tim da postupak finansijskog konsolidovanja ne može trajati duže od tri godine.

Odluka iz stava 1. ovog člana dostavlja **se** Poreznoj upravi Federacije BiH, nadležnom sudu i drugim nadležnim tijelima.

Ukoliko društvo s većinskim učešćem državnog kapitala koje se konsoliduje ne započne izmirivati sve tekuće finansijske obaveze u roku 60 dana od dana donošenja odluke iz stava 1. ovog člana, nadležno tijelo vlasti donijet će odluku kojom stavlja van snage svoju odluku o finansijskom konsolidovanju tog društva s većinskim učešćem državnog kapitala.

Ukoliko na osnovu podnesenog zahtjeva iz člana 7. ovog zakona utvrdi da nisu ispunjeni uvjeti za provođenje postupka finansijskog konsolidovanja, nadležno tijelo vlasti donosi odluku o odbijanju zahtjeva za pokretanjem postupka finansijskog konsolidovanja.”

16. Izbor i imenovanja:

- a) **Prijedlog Odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH**
- b) **Prijedlog Odluke o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH**
- a) **Prijedlog Odluke o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH**

Komisija za izbor i imenovanja Doma naroda utvrdila je Prijedlog Odluke kojom je predloženo da se u Komisiju za jednakopravnost spolova umjesto rahmetli Jasmina Smailbegovića izabere Senaid Begić.

U raspravi nije niko učestvovao.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 43 glasa za, uz jedan glas protiv i uz jedan uzdržani glas, donio Odluku o izmjeni Odluke o izboru predsjednika, zamjenika predsjednika i članova radnih tijela Doma naroda Parlamenta Federacije BiH kojom je u Komisiju za jednakopravnost spolova umjesto rahmetli Jasmina Smailbegovića izabran Senaid Begić.

- b) Prijedlog Odluke o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH

Komisija za izbor i imenovanja Doma naroda utvrdila je Prijedlog Odluke kojom je predloženo da se u Administrativnu komisiju umjesto rahmetli Jasmina Smailbegovića izabere Senaid Begić.

U raspravi nije niko učestvovao.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 41 glasom za, uz jedan glas protiv i uz jedan uzdržani glas, donio Odluku o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije BiH kojom je u

Administrativnu komisiju umjesto rahmetli Jasmina Smailbegovića izabran Senaid Begić.

Predsjedavajući Doma naroda obavijestio je delegate da je potrebno izvršiti izmjenu Odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH, budući da je Radoju Vidoviću prestao mandat u Domu naroda.

- c) Prijedlog Odluke o izmjeni Odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 41 glasom za, uz dva glasa protiv i uz jedan uzdržani glas, donio Odluku o izmjeni Odluke o izboru članova u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH kojom je u Zajedničku komisiju za usaglašavanje različito usvojenih tekstova zakona u domovima Parlamenta Federacije BiH umjesto **Radoja Vidovića** izabran **Tomislav Martinović**.

Predsjedavajući je potom prekinuo rad sjednice u 12.45. i obavijestio delegate da će se sjednica nastaviti 18. juna.

NASTAVAK SJEDNICE OD 23. LIPNJA 2014. GODINE

Sjednica je počela u 11.30.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio delegate, predstavnike Vlade Federacije i predstavnike akreditiranih medijskih kuća koji prate rad sjednice.

Izostanak sa sjednice opravdao je Ivo Divković.

Na osnovu evidencije Stručne službe, predsjedavajući je konstatovao da sjednici prisustvuje 41 delegat, što čini većinu, te Dom naroda može raditi i punovažno odlučivati.

Predsjedavajući je podsjetio delegate da su za nastavak ove sjednice preostale 10. i 11. tač. - Strateški plan razvoja i organiziranja Službe Parlamenta Federacije BiH za period 2014. – 2016. godina (predlagač: Zakonodavno-pravna komisija Predstavničkog doma) i Prijedlog Odluke o Zajedničkoj službi Parlamenta Federacije BiH (predlagač: Zakonodavno-pravna komisija Predstavničkog doma).

10. Strateški plan razvoja i organiziranja Službe Parlamenta Federacije BiH za period 2014. – 2016. godina

Predstavnički dom je na 27. sjednici od 26. ožujka 2014. godine usvojio Strateški plan razvoja i organiziranja Službe Parlamenta Federacije BiH za period 2014. – 2016. godina.

Plan su razmatrala nadležna radna tijela i dostavila izvještaje.

Jasenko Tufekčić, predsjednik Zakonodavno-pravne komisije Doma naroda je izjavio da bi se trebao ispoštovati Zaključak Kolegija Doma naroda čime bi se omogućilo Zakonodavno-pravnoj komisiji da do nastavka ove sjednice zauzme stav u vezi sa ovim tačkama. Izjavio je da su obje komisije trebale biti uključene u izradu ovih akata.

Plan je obrazložio Nasir Beganović, predsjednik Zakonodavno-pravne komisije Predstavničkog doma.

U raspravi su učestvovali Jasenko Tufekčić i Nasir Beganović.

Na osnovu rezultata glasanja, predsjedavajući Doma naroda je konstatovao da je Dom naroda Parlamenta Federacije, sa 30 glasova za i uz 14 uzdržanih glasova, usvojio Strateški plan razvoja i organiziranja Službe Parlamenta Federacije BiH za period 2014. – 2016. godina.

Budući da je izražena sumnja u rezultate glasanja, pristupilo se poimeničnom glasanju koje je obavio Izmir Hadžićević, sekretar Doma naroda.

Na osnovu rezultata poimeničnog glasanja, predsjedavajući Doma naroda je konstatovao da Dom naroda Parlamenta Federacije **nije usvojio** Strateški plan razvoja i organiziranja Službe Parlamenta Federacije BiH za period 2014. – 2016. godina jer je za glasalo 26 delegata a 14 delegata je bilo uzdržano.

11. Prijedlog Odluke o Zajedničkoj službi Parlamenta Federacije BiH

Predlagač Odluke je Zakonodavno-pravna komisija Predstavničkog doma.

Predstavnički dom je na 27. sjednici od 26. ožujka 2014. godine donio Odluku o Zajedničkoj službi Parlamenta Federacije BiH.

Odluku su razmatrala nadležna radna tijela i dostavila izvještaje.

Odluka je dostavljena Vladi Federacije radi davanja mišljenja.

Odluku je obrazložio Nasir Beganović, predsjednik Zakonodavno-pravne komisije Predstavničkog doma.

U raspravi su učestvovali: Jasenko Tufekčić, Zoran Jovanović, Amir Zukić, Ivo Tadić, Tomislav Martinović, Aner Žuljević, Dževad Rađo, Damir Čardžić, Sretko Radišić i Nasir Beganović.

Budući da je u raspravi Aner Žuljević predložio da se izjašnjenje o Prijedlogu Odluke odgodi za narednu sjednicu do kada bi Zakonodavno-pravna komisija Doma naroda i Zakonodavno-pravna komisija Predstavničkog doma obavile raspravu u vezi sa ovom tačkom dnevnog

reda i dostavile konkretne prijedloge u vezi sa Prijedlogom Odluke, predsjedavajući je stavio na glasanje ovaj prijedlog i konstatovao da ga je Dom naroda prihvatio.

Sjednica je završena u 12.30.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Tomislav Martinović